



## Aningaasaqarnermut Naalakkersuisoq

Ulloq: 3. juli 2026  
J.nr.: 01.31.06/26-01173

### Aningaasaqarnermut Akileraartarnermullu Ataatsimiititaliap marlunngornermi ulloq 30. juni 2026-mi aalajangiineranik Naalakkersuisunut ilisimatitsineq.

Paamiuni inissianik attartortittakkanik sanaartugassanut pilersaarusiornissamut neqeroortitsinissamullu missingersuutitut sunniuteqanngitsumik nuussineq. Ataatsimiititaliap suliaa nr. 01.31.06/26-01173.

”Naalakkersuisut inassutigaa,

- konto pingaarnermi 89.72.12 Inissialiassat taartissanillu inissialiortiterneq, suliniut nr. 32.162 Inuusuttunut inissiat Paamiut, aningaasaliissutit 2026-mi 0,3 mio. koruuninik ikilisinneqassasut aamma
- konto pingaarnermi 89.72.12 Inissialiassat taartissanillu inissialiortiterneq, suliniut nr. 32.124 Inissiat, aningaasaliissutit 2026-mi 2,0 mio. koruuninik ikilisinneqassasut aamma
- konto pingaarnermi 89.72.12 Inissialiassat taartissanillu inissialiortiterneq, suliniut nutaami nr. 32.165 Inissiat attartortittakkat Paamiut, aningaasaliissutit 2026-mi 2,3 mio. koruuninik amerlisinneqassasut.”

### Aningaasaqarnermut Ataatsimiititaliap oqaaseqaatai apeqqutaalu

#### Apeqqut 1

Innuttaasut 68-it Namminersorlutik Oqartussat inissiaataanni inissiamik utaqqisutut inissiamulluunniit allanut nuunnissamik kissaateqartutut ullumikkut allatsissimasut Naalakkersuisut paasissutissiissutigaa. Nangillugu paasissutissiissutigineqarpoq tamatuma saniatigut innuttaasunik Iserit A/S-imi initaarnissamut utaqqisutut allatsisimasoqartoq.

- 1.a. Paamiuni initaarnissamut utaqqisunut allattorsimaffiit erseqqinnerusumik nassuiaatigineqarnissaat ataatsimiititaliamit kissaatigineqarpoq, tassungalut ilanngullugu Namminersorlutik Oqartussat aammalu Iserit A/S-imi initaarnissamut utaqqisunut allattorsimaffiit immikkoortillugit naatsorsorneqarnissaat kissaatigineqarpoq.
- 1.b. Kiisalu inissiamut allamut nuunnissamik kissaateqartunut utaqqisunut allattorsimaffiit Paamiuni inissianik amigaateqarnermut nalinginnaasumik qanoq sunniuteqarnersoq nalilerneqassasoq ataatsimiititaliamit kissaatigineqarpoq.

### Apeqqu 2

- 2.a. Kiisalu Paamiuni inissianik ataatsimik initalinnik peqassutsip taakkulu piumaneqassusiisa akornanni unammillernartut itisilernerqarnissaat ataatsimiititaliamit kissaatigineqarpoq.
- 2.b. Paamiuni inuusuttunut inissiassanik pilersaarusionerup neqeroortitsinissallu aalajangiunneqarnerata nalaani piumaneqarnerisa killeqarnera ilisimaneqarpa?
- 2.c. Naalakkersuisut paasissutissiinerat ataatsimiititaliamit ima paasineqassava; Paamiuni inuusuttunut inissiassat pisariaqartinneeruttut nalilerneqartoq, taamaattumillu inuusuttunut inissialiornissamut aningaasaliissutaajunnartut nunatta karsianut utertinneqassasut?

### Apeqqu 3

Kiisalu ilassutitut aningaasaliissuteqarnissamik qinnuteqaat matumani pineqartoq ineqarnermut iluarsaaqqinnermut kingullermut kingullermut qanoq attuumassuteqarnersoq paasissutissiisutigineqassasoq ataatsimiititaliamit kissaatigineqarpoq, matumani minnerunngitsumik inuusuttunut inissiat eqqarsaatigineqarlutik.

### **Aningaasaqarnermut Ataatsimiititaliap aalajangenera**

Naalakkersuisut inassuteqaataat Aningaasaqarnermut Akileraartarnermullu Ataatsimiititaliami amerlanerussuteqartunit **akuerineqarput**.

Inussiarnersumik inuulluaqqusillunga



Pele Broberg

Aningaasaqarnermut Akileraartarnermullu Ataatsimiititaliap siulittaasuata tullia